




## Մ Ա Յ Ր Ա Թ Ո Ռ Ո Ւ Մ



Եպտեմբերի 14-ին, Ս. Էջմիածնի Մայր Տաճարում ավանդական շքեղությամբ կատարվեց Խաչվերացի տոնը: Տոնի առթիվ Մայր Տաճարում մատուցվեց հանդիսավոր սուրբ պատարագ: Տաճարի գավիթն էին լցվել Հայաստանի զանազան քաղաքներից ու գյուղերից եկած բազմաթիվ ուխտավորներ: Այդ օրը ուխտի մեծ օր էր հավատացյալների համար: Ուխտավորներն իրենց հետ բերել էին մատաղացու ոչխարներ և աղավնիներ ու սկսած շարաթ օրվանից, խմբերի բաժանված, զվարճանում էին եկեղեցու գավթում, Տաճարի շրջակայքում, այգիների մեջ, ծառերի ներքև: Ժողովրդական երգն ու պարը թնդացնում էին օդը:

Կիրակի օր պատարագին էր դերաշնորհ Տ. Սահակ եպիսկոպոսը, որն ավելի պատշաճի քարոզ խոսեց, վեր հանելով Խաչվերացի տոնի պատմական ու կրոնական նշանակությունը:

Երեկոյան ժամերգության ժամանակ կատարվեց Խաչվերացի պատմական մեծաշուք հանդիսությունը՝ մեծ «Անդաստան»ը Տաճարի բակում: Կազմվեց եկեղեցական մեծ թափոր, խաչով ու խաչվառով, որը դուրս գալով եկեղեցուց մեր հիանալի շարականների ու մեղեդիների երգակցությամբ, շրջեցավ եկեղեցու շրջա կողմը:

Թափորը կանգ առավ եկեղեցու արևմտյան դռան զանգակատան մոտ: Հանդիսադիր սրբազանը օրհնեց ուխտավոր ժողովըրդին ու արձակեց:



Սեպտեմբերի 27-ին մեծվայելուչ հանդիսությամբ Մայր Աթոռում տոնվեց Ամենայն Հայոց Հայրապետի և մեր սիրելի Հոր՝ նորին Ս. Օծոթյուն Տ. Տ. Գեորգ Զ-ի գահակալության և անվանակոչության տոնը: Յնծության օր էր ամբողջ միաբանության, Հոգևոր ճեմարանի ուսանողության և հավատացյալ ժողովրդի համար:

Շարաթ օր Վեհափառ Հայրապետը, միաբանության ու սարկավազների առաջնորդությամբ, հանդիսավոր մուտք գործեց Մայր Տաճարը: Պաշտովում էր սուրբ պատարագ: Հավատացյալների բազմությունը լցրել է Մայր Տաճարը, գավիթը, շրջակայքը: Երգչախումբը հրգում է այսօր հրաշալի կատարողությամբ: Հանդիսավոր է ամեն ինչ:

Սուրբ պատարագից հետո կատարվեց Հայրապետական մաղթանք:

Մաղթանքից հետո բազմությունն ամենայն երկյուղածությամբ մոտենում է Վեհին, շնորհավորում է նրա անվանակոչությունը աշահամբույրով և հեռանում՝ մաղթելով նրան երկար կյանք և արեւատություն:

Նույն հանդիսությամբ միաբանությունը Վեհափառ Հայրապետին առաջնորդում է դեպի Վեհարան, որտեղ տրվում է ճոխ ճաշասեղան: Բացի միաբանությունից, պատվո ճաշին ներկա էին նաև շատ հյուրեր մայրաքաղաքից:

Առաջին հերթին Վեհափառ Հայրապետը բարձրացնելով բաժակը դիմում է սեղանա-

կիցներին. «Ամենայն Հայոց Հայրապետի վերա դրած պարտականությունները շատ ծանր են. հայ ժողովուրդը մեծ հույսեր է կապում Հայոց Հայրապետի հետ և միշտ էլ սպասում այդ հույսերի իրականացումը տեսնելու համար: Այդ հույսերն ու ծանր պարտականություններն այսօր ընկած են Մեր վերա. կաշխատենք անել Մեր կարելին»:

Այնուհետև բաժակաճառերով հանդես եկան Հոգևոր Ծեմարանի ղեկավար տիար Մ. Մինասյանը, բանաստեղծ Ավետիք Իսահակյանը, գերաշնորհ Տ. Սահակ եպիսկոպոսը.

սարկավագության անուձից հանդես եկավ Փայլակ սարկավագ Այնթաբյանը:

Կիրակի օրը ուխտավորների բազմությունն այնքան մեծացավ, որ Մայր Տաճարի գավիթը չէր բավարարում իր ընդարձակ շրջակայքով: Հայկական երգն ու պարը, դհուլունայի նվագը, ուխտավորների կանչը ականջ էին խլացնում: Մինչև ուշ երեկո ուխտավորները զվարճանում էին:

Այդ օրը՝ սեպտեմբերի 27-ը, անմոռանալի կմնա միաբանության և ուսանողության հիշողության մեջ:

